



Atlet Universiti Malaysia Sabah bakal bersaing pada kejohanan MASUM 2013 di Universiti Malaya Kuala Lumpur.

UMS hantar 12 atlit ke MASUM

BH 13.5.2013 13

Kota Kinabalu: Universiti Malaysia Sabah (UMS) akan menghantar 12 atlit untuk bersaing pada kejohanan Majlis Sukan Universiti Malaysia (MASUM) 2013 di Universiti Malaya (UM), hujung bulan ini.

Mereka ialah Pang Tsun Kuo, Nitas Camillus, Hafifé Febrayan, Eldy Sham Irlon, Louis

Muslin, Mohd Azlan Abu Bakar, Kenedy Japari, Max Anzie Jetol, Emmy Ahkim, Felnidiah Lok Lassim, Merry Gabali dan Asong Joseph.

Ketua pasukan, Emmy Ahkim, berkata semua atlit terbabit giat menjalani latihan dalam fasa terakhir bagi memastikan sasaran ditetapkan

kan tercapai.

Walaupun sibuk dengan pelajaran, katanya, mereka masih dapat meluangkan masa berlatih sebagai persediaan.

"Saya menyertai acara lari berpagar 400 meter dengan sasaran memperbaiki catatan masa 64.21 saat sekali gus mengekalkan pingat emas diperolehi pada MASUM 2012 di Johor tahun lalu," katanya kepada BH, di sini.

Nitas Camillus, pemegang rekod acara 10,000 meter jalan kaki lelaki dengan masa 58.48 saat pada kejohanan tahun lalu, turut berhasrat memper-

baharu rekod itu.

"Saya kini giat menjalani latihan dengan sasaran memperbaiki rekod peribadi yang dicatatkan pada MASUM 2012," katanya.

UMS meletakkan sandaran kepada dua atlit tahun pertama jurusan Sains Sukan yang menjadi kebanggaan Sabah iaitu Merry Gabali, pingat gangsa lompat kijang dengan lompatan 11.70 meter dan Max Anzie Jetol yang beraksi di Sukan Malaysia (SUKMA) Pahang tahun lalu dengan meraih gangsa acara merejam lembing.